



't Gezetsje 2015

42^{ste} Oetgaaf

"Gekke krant" veur 't BEMELER-LAND
Jubileum editie 44 jaor de Berggeitte

Daorum dit jaor 4 x 11 bladzijde's

Sjtomme kal en zeiver



Carnavalsvereniging
"De BERGGEITTE"
Bemelen



Leef Carnavaliste van Bemele,

Noe de Vastelaovend steeds korter bie kuump wuurt ut auch veur mich langzaam tied um aon ut einde vaan mien regeerperiode te goon deenke.

Mer dan wil ich waal iersj de sjoen momeente van aafgeloupe jaor nog eve te numme.

Alleriersj wie d'r plotseling drei maan in de gaank stoonde zoonder aankondiging. Dach ich un aafspraak te hubbe veur ut jubileum van de herremenie bleek dat toch gaans get anders. Mer eigelik waore veer dao snel oet, ich mog Jubileumprens van de Berggeitte weure.

Nao alle stiekeme veurbereidinge waor ut dan eindelijk zowiet.

Vanaaf ut oetkomme op zoaterdag 15 februari tot en mit asgoonsdag hubbe veer maoge ervare wie Vastelaovend leef in Bemele. De felicitaties en kado's, ut bezeug aon hoes van joonk tot en mit unne bejaardemiddag in os hoeskamer, ut waor geweldig.

Unne hiele gezellige kindermiddag veur de nuij jeugdprinses

Lonneke, de gezellige momeente op de versjillende

vastelaovendsbals, un drukbezoch carnavalsbal op 't Plateau, unne gezellige carnavalsaovend bie de Baskuul met Straotprins Lei 1^e en

es oetsjmieter unne super optoch in Bemele mit unne geweldige middag en aovend in ut gemeinsjapshoes. Allemaol activiteite boe oet blik dat de Vastelaovend leef in Bemele! Un geweldige ervaring veur us es prinsepaar.

Ein ander hoegtepunt veur mich es Prens waor ut Prenssetreffe met Stadsprens Henri 1^e van de Tempeleers oet Mestreech op de grens tussen Bemele en Mestreech aon ut voetbalveld. Spontaan

gearrangeerd en oondaanks ut drukke programma toch ruimte gevoonde um de Vastelaovend gezamenlik in te dreinke. Un geweldig momeent, en ouch 't insjete van de carnaval op zoondig murrege, geweldig wat dao loos waor. Ein groete happening.

Daan in ut nuije seizoen de Jubileumreceptie mit unne geweldige opkoms en ut allerlitste optreije van de Bemeler Zoepnaze in kampioenssaamestelling, kippevel en zoe geweldig! En de litste weeke met gezellige vastelaovenszittinge mit de raad van Ellef, super!

Langs dizze weeg wille veer eederein bedaanke veur de wermte die veer hōbbe maoge ervare tijdes us Preensesjap van de Berggeitte van Bemele. En es litste wille veer de nuij zaate herremeniew, Bemels Keteerke, eve veul sjpass en plezeer towweense es veer altied met de Zoepnaze hubbe gehad. Ouch de zitting waar u geweldige happening, unne nuije pesjtoer in Bemele, dat geit get geve. 'T optreije van de drumband waar ouch super. Dat dit in Bemele kin. Dao maoge veer gruusj op zeen. Dees Jubileumzitting die veer hōbbe maoge beleve met de luij van Bemele waar un geweldige prestatie, en unne geweldige opsjteker veur de nuije zaate hermenie: "Bemels Keteerke", jonge gaot zoe door.



Prins Cyril 1^e en Prinses Jeanny



WIS GEER? WIS GEER? WIS GEER?

- Dat de auw nuij sjoëël eindelijk verkoch is...?
- Dat de nuije eigenaer, René Dreessen, volges de Geruchtemeule op dees meneer toch nog 'n poging wilt wage um z'n sjoëël aaf te make...?
- Dat veer dat neet geluive, umdat veer deenke dat René te sjlum is um dao zien cente aan op te make...?
- Dat die van de Joonkheid aafgeloupe jaor veur 't iersj in de historie good waer hawwe wie ze d'n den opgezat hubbe...?
- Dat veer neet wiste datste zoe'ne den auch umhoeg kins sjriewe, mèt dat Erik Jansse oos dat haet late zeen... sorry, haet laote huure...
- Dat café 't Plateau inmiddels de beenaam café Closed haet gekrege...?
- Dat dat keump umdat 't bordsje 'closed' dao dèkker boete hingkes 't bordsje 'open'...?
- Dat dae'n andere café oonder in 't dörrep euvergenome is door eine nuije kastelein...?
- Dat veer nog altied zitte te wachte op de heropeningsborrel...?
- Dat d'r in Bemele bliekbaar nao jaore eindelijk weer ins get te belaeve is...?
- Dat veer dat weite van de website 'Beleef Bemelen'...?
- Dat veer iersj dachte dat ze dao de 'd' vergete hawwe, en dat 't eigelik 'Beleefd Bemele' zou mote zeen, watste dan in 't plat weer oetsjpriks es 'Belaef Bemele', wat dan in 't Nederlands weer vanzelf 'Beleef Bemelen' weurt...?
- Dat veer 't tamelik onbelaef veende um de bezeugers van de website zoe op 't verkierde bein te zètte, umdat d'r weijjer op dae site nog neet erg vööl te belaeve vèlt..?
- Dat veer mèt sjpanning zitte te wachte op de volgende websites: Bezeuk Bemele, Bezope Bemele(naere), Gastvrij Gasthuis, Opgeluch Gehuch...?
- Datste in Bemele ummer mieër van die dikke jeeps roond zuus sjeeze...?
- Dat 't zoe noe en dan in de sjtraot waal liek op 'n etappe in Paries-Dakar, mèt dan zoonder de sjtub...?
- Dat de gemeente druk bezig is met 't nuij herinrichtingsplan veur 't dörpscentrum, en dat ze van plan zeen de doorgaonde waeg dan maximaal veer meter breid te make...?
- Datste dan ech neet mieër mèt twie van die jeeps nevenein keumps...?

- Dat Tommie van Leeuwe 't dan mèt ziene nuijen auto – weer dikker en sjieker dan de veurige, dus waarsjijnlijk neet bee ziene pap gekoch... – auch lestig krijg...?
- Dat 't twiede van de FC Bemelen noe twee keepers haet, en nog altied de nul neet kint houwte...?
- Dat iersjte keeper Niels Beijers veur twiede keeper Jay Urlings 't groete veurbeeld is, en dat dat gèt raar oetzuut umdat Jay ongevaer eine meter langer is...?
- Dat Jay net es Niels ouch bèkker wilt weure...?
- Dat 't hun in de bekkerij houpelik beter aafgeit es op 't voetbalveld, want dao bakke ze d'r alletwie neet vööl van...?
- Dat veer aafgeloupe jaor hiel eve dachte dat ze op alle toegangswaeg nao Bemele 'n maximum sjnelheid van 30 kilomaeter per oor hauwe ingeveurd...?
- Dat veer nog net op tied zaoge dat ze daabee gesjreve hauwwe dat dat allein bedoeld waor veur Roy Andrien...?
- Dat veer oos waal aafvroogte woerum dat auch al in Sint Gietere en Ikkelder op de weeg gesjreve moos weure...?
- Dat de Kribkeswandeling door Bemele langzamerhand ein echte attractie begint te weure...?
- Dat veer vermoede dat 't levesechte optreije van Jo Troisfontaine es Joezef dao gèt mèt te make haet...?
- Dat ze volgend jaor nog mieër levende eleminte in die wandeling wille opneume, en noe druk op zeuk zeen nao luij die de ander rolle van 't Keersverhaol op ziech wille neume...?
- Dat ze mèr ins contact mèt os op moote neume, umdat veer 'n ganse lies mèt kandidate veur de rol van os en ezel in de kas höbbe ligke, en auch nog waal gèt kandidate die 't good zouwe doen es sjäöp...?
- Dat veer mèt carnaval gein auwwieverbal mieër höbbe, mèr allein nog 'n prinseproklamasie...?
- Dat Bemele dus bliekbaar 'n groet gebrek aan auw wiever haet...?
- Dat veer van 't Gezètsje dus nog mer eve door blieve auw bette....?
- Mèr dat veer d'r veur dit jaor eine dikke peunt achter zètte...?
- Wis geer dat allemaol nog neet? Dan wèt geer 't noe waal...

Tom van Leeuwen

Oude Akerstraat 30
6268 ND Bemelen

will1924@planet.nl
0434071852
0641575850




Antoine coiffeur createur



camping mooi bemelen

Gasthuis 3, 6268 NN Bemelen, telefoon 043-407132

Veur e good glaas
Beer en e Drupke

**Café
't PLATEAU**



praktijk voor
mondgezondheid
maastricht

Christel Schlosser
mondhygiënist

Oude Akerstraat 45, 6268 NC Bemelen | +31 (0)6 2816 8508
www.praktijkvoormondgezondheid.nl | info@pvmg.nl

Café




ASK **ad AUTOBEDRIJF**

AutoService Keer Kerkstraat 38a, 6267 ED Cadier en Keer
Tel. 043 - 407 2727 - Fax 043 - 407 2733



Doech met, en weur lezer van 't carnavalsseizoen 2015 !

In naovolging van dagblad de leugeneer organisere veer van de carnavalsvereniging same met d'r Tump ouch un "lezer van 't jaor" verkiezing of, in os geval, unme "lezer van 't carnavalsseizoen" Eederein kin met doen, 't is neet meuijlik, geer hoof bee de foto's allein mer 't gooje ondersjrif te keeze. Veul succes !!



Foto 1

- A. Sjtiek verdedigend Bemelen bouwt hoege moer veur vrije trap tege
- B. Blikbaar wil éine sjpeler van 't ierste hoegerop (tenminste dat zèt heer...)
- C. Wedstrijd "latje tikken" oonder de training verkiert oetgelach door trainer

Foto 2

- A. Nuij scorebord FC Bemelen in gebruik genomme
- B. De kormme viert ziene 100^e verjeurdig...
- C. FC Bemele twie viert recors aanal goale (tege netuurlik..)





Foto 3

- A. Miskoup veur Rick: heer vroeg veur 'n opblaaspop met e groet look...
- B. Mam hèt unne vogel, pap hèt unne vogel, tja dan wil iech ouch unne vogel
- C. Dit is de innige echte krûtsje-kanarie

Foto 4

- A. ...nuij leeje veur sjeetvereniging blooze sjeetclub nuij leve in
- B. Sjeetclub kint vanaaf noe allein nog mer sjerpsjutters...
- C. Sjeetclub organiseert jaorlikse mosselaovend...



Foto 5

- A. Oprichting Clochard vereniging van Bemelen un feit.
- B. Eerste bijeenkomst AA in Bemelen groot succes
- C. Als de wijn is in de man...dan doot nog mer un kan...

Foto 6

- A. Hangjongeren Bemelen hoole meiden neer..
- B. Nao Paolke houwe met de kermis noe ouch Paolke hange
- C. Joonkheid hingt es gewoonlik weer de bies oet..



Foto 7

- A. Hugo en Bianca op weeg nao optoch Bemelen...
- B. Ouw tractorvereniging van Sjef Ubachs nog op zeuk nao oonderdeile
- C. Raad-gek



Foto 8

- A. Leden Vogelwerkgroep komme oonder de kar...
- B. Vogelwerkgroep: Ladder(s)zat...
- C. Vogelwerkgroep opzeuk nao zeldzame Karre-kiet



Foto 9

- A. Dames , es mansluij e
bubbelbad wille hōbbe doen
die dat gans anders..
- B. Wie langer 't rietsje wie
meuilikker zuige...
- C. Knudde met e rietje



Foto 10

- A. Sjutterij Bemelen in opperste paraatheid
nao belastingaansjlaag
- B. Nuij kostuum van sjutterskeuning Bemelen
ontworpen door Roy (Donders bedoelen
veer dan hē)
- C. Wedstrijd “wè hèt net zoene dikke kop es
Keuning Willem-alexander” gewonnen door
Tommy van Leeuwen



Foto 11

- A. Jeugwerk Bemele kreig
aangepas vervoer
- B. Carnavalsvereiging
bezuinigd op preensewage
jeugd
- C. Veul keender gevoonde bee
opruimactie Vogelwerkgroep





Foto 12

- A. Shirtsponsor FC bemelen oet de Heeg haok aaf...
- B. Paula: "dat kreigste d'r van este de truijkes neet netjes binnesteboete dreijs..."
- C. Bloete boeke bal sjportkantine Bemelen

Foto 13

- A. Unox hèt neet allein Roukweursj mèr ouch coctailweursjkes...
- B. Marion hèt nog daag loupe zeuke...
- C. Wie koud 't waor? Iech deenk 3... graden? Neij centimeter..



Foto 13

- A. Toen Ralph zag dat heer noch e sjoen sjtripfoto houw van Soraya, houw iech miech dao get anders bee veurgesjteld..
- B. Suckske en Wikske
- C. Es heer pap huw metgenomme dan houwe ze ouch nog unne lambiek gehad..

DE GERUCHTEMEULE DRIEJT WEER....

Dao zeen veer weer...

Wie eeder jaor haet de Geruchtemeule auch deze kier weer op volle toere gedriejd, en höbbe veer speesjaal veur uuch de sjmakelikste roddels veur dees carnavalsgezèt bewaard...

Deze kier neume veer uuch mèt nao de waereld van de film.

Want geer wèt 't mesjiens nog neet, mèr ein van os dörpsgenote is momenteel druk bezig mèt de opnames veur ziene iersjte sjeelfilm. Veer maoge uuch – helaas, helaas... - neet vertèlle wae dat is, mèr veer kinne hiel veurzichtig toch al vàs 'n tipke van de sjluier opluchte: heer is ooit al ins benaderd um de hoofdrol te sjele in ein nuij versie van de Klokkeluier van de Notre Dame – volges de regisseur waar heer veur die rol gesjaope - mèr dat haet heer toen neet gedoon umdat heer zien verantwoordelijke functie bee de gemeente Mergraote neet op wouw geve. Nao 't sjeint – mèr dat weite veer neet gans zeker – zou heer later auch nog ins benaderd zeen veur ein rol in de Hobbit, mèr toen kos heer neet umdat heer mèt de Raod van Ellef op sjtap moos...

Mèr good, eindelijk is 't dan zoewied. Heer haet zien hoofdrol. Nao 't sjeint löp heer al maonde mèt 'n verborge mikrofoontje roond, zoedat de regisseur 'n good beeld krijg van ziene dagelikse umgang en van de meneer woe-op heer mèt ander luij in 't dörp krommuniseert. Sorry, veer bedoele netuurlijk kommuniseert. Dat sjeint belangriek te zeen, umdat – volges deskundige – de geluidsband van de film sjtraks waarsjijnlijk gèt versjneld moot weure aafgesjpèeld vanwege 't liege tempo van praote van de hoofdpersoen, dae euveriges nurreges éch gauw mèt is ("Iech bin allein gauw meug", zag heer tege ozze versjlaaggever). Planne um d'r dan mer eine sjtomme film van te make, zeen oeteindelik neet doorgedange, umdat de hoofdrolsjpeler – woevan veer de naam volges ozze advocaat dus éch neet maoge neume – bee hoog en bee lieg volhilt dat heer neet sjtom is. "En mien broor auch neet." Wat dae broor mèt de film te make haet, weite veer neet precies. Veer zeen dat nog oet aan 't zeuke, mer dat is neet zoe sim-pel.

Veer kinne uuch auch nog neet vertèlle wat de titel van de film weurt. De regisseur hilt vol dat heer dat zèllef auch nog neet wèt, mèr intussje vingk de Geruchtemeule van alle kante allerlei

geruchte op. Volges sommige zou 't goon um de volgende James Bond-film, 'De laefs mèr eine kieër', en zou ozze dörpsgenoot de rol sjele van eine sumpele arbeider dae zich zien ganse leve kroomp haet gewèrrek en nao zien pensioen nog eve get rech wil zètte. Volges andere weurt 't eine lachfilm dae ziech groetendeils aan de tap van 'n dörpskafee aafsjpèelt, met de titel 'Allemaal Auw Kloete'. Ooze hoofdrolsjpeler sjeint d'r gein meujte mèt te hóbbe um dao 'n aovendvullend programma van te make. D'r waore d'r auch die dachte dat 't gèt te make haw mèt eine film euver 't leve van voetballer Willem van Hanegem, mèr dat is volges os 'n kwestie van naamsverwarring. Enfin, nog eve aafwachte, dus.

Wát 't auch weurt, de film zouw úrreges tusse de 11^{de} van de 11^{de} en vastelaovend 2016 in première moote goon. Veer houwte uuch vanzelfsjprekend op de huugte. Want veer blieve netuurlik... de Geruchtemeule!



In 'n poging um dit gezetjse nao un hoeger niveau te tillen wille veer veurtaan ouch unne wetensjappelikke rubriek opneume. Dit nao aanleiding van de veule berichte die zeen gepubliceerd euver 't nuttige van alcohol. Zoe zaog veerpas 'n serieus oonderzoek nao de gevolgen van het dreenne van alcohol op de zangkwaliteite van de vogel. Die zouwe nao t nuttige van alcohol nogal warrig zinge. Veer wille dit oonderzoek gère veurtzette en kieke nao de gevolge van alcohol op de zangkwaliteite van luij. Veer hōbbe begrepe dat 't oonderzoek gesponsord weurt door diverse universiteiten en goon d'r dan ouch vanoet dat zee achterAAF, nao 't oonderzoek, de rekening bee De Baskuul, ;t Plateau en in de zaal veur hun rekneing numme. Veer zeen dan ouch op zeuk nao vrijwilligers die met wille doen aan dit oonderzoek. Zeet geer ouwer es 18 en lus geer gère un glaas beer dan kint geer uch veur dit oonderzoek opgeve. De metingen zulle plaatsvinde volgend jaor op de zitting zoadat dao ouch weer ge luij van Bemele op 't podium sjtaon. Leden van 't St. Ceciliakoer zeen oetgeslote van dit oonderzoek umdat die ouch al veur dat zee zaat zeen tamelijk warrig zinge.



Vogels zingen warrig na drinken alcohol

Oet un ander oonderzoek (van de universiteit Groningen) blik dat fietsers 's nachts bijnao allemaol hōbbe gedronke. Ierder houwe veer van 't gezetsje al oonderzoch dat dat ouch 't geval waar bee scooterreejers. Dit oonderzoek hèt aafgeloupe jaor plaatsgevoonde op de A2 in mestreech. Heij kint geer uch dus neet mie veur opgeve.



Foto: ANP

Fietsers 's nachts hebben bijna allemaal gedronken

Un oonderzoek dat noe nog bezig is betreft de gevolgen van alcoholconsumptie veur de conditie. Daoveur monitore veer sinds begin van 't seizoen de prestaties van de FC Bemelen en eenkele loupers van de



bergrunners. Veer kinne uch, veuroetloupend op de officiële resultaten al aangeven dat alcohol neet good is veur de conditie, of ze dreinke op dit moment nog neet genug, dat kin ouch. veer verwachtte dat de wedstrijden die vlak nao Carnaval gesjpeeld goon weure

heij mier inzicht in kinne geven.

Waal aafgerond tensjlotte is de invloed van alcohol op 't reukvermoge. Met dank aan de vrijwillige proefpersonen van de raad van ellef. Heij hōb veer un vremd versjeinsel woergenomme. Nao oonderzoek bleik namelijk dat neet de proefpersonen mer net de partners van de proeftpersonen die veul alcohol genuttigd houwe un beter reukvermoge kreege. Die koste hunne partner nao unne aovend sjtappe soms al vanaaf unne meter of 10 ruuke. Daorintegen hōbbe veer ouch vastgesjteld dat bee de proefpersonen neet het ruuk mer waal 't reuk vermoge, veural 's murreges veul groeter waar gewoore.



Geer zeet: uch gezet is good bezig op 't weitesjappelik vlak. Behalve veur 't zing oonderzoek zeen veer nog altied op zeuk nao vrijwilligers veur de volgende geplande oonderzeuken:

- 'n slech gesiechsvermoge, kwestie van dikker glaze of mier glaze?
- weure vrowluij knapper nao 't dreinke van alcohol?
- Wat sjmaak beter: 'n halfvol glaas of e half leig glaas?

Wilt geer mèt doen met os oonderzoek en zo uch beedrage leveren aon de weitensjap geef uch dan op bee de redactie van dees gezet.



Spring maar achterop bij miech,
 achterop miene brommer....
 met unne zaate kop euver de A2 is al neet sjlum,
 mèr bee miech achterop zitte is nog veul sjtommer

Sjpring mer achter bij miech,..
 achter op de scooter....
 Iech zeen d'r missjien nog nuchter oet,
 Mèr eigenlijk bin ich zoe zaat es unne toeter...

(Personeelsadvertentie)

Bee de redaksie van dees gezèt is door allerlei umsjtandighede – oonder mieër umdat eederein zich plotseling vöölste fetsoenlik begint te gedrage - ein gebrek ontsjtange aan luij woe veer eeder jaor gèt euver kinne sjrieve. D'r is noe dan auch ein vakature veur:

KWATSJLEVERANSEER (m/v)

't Geit um 'n zier verantwoordelike positie. De kwatsjleveranseer verpliech zich um eeder jaor weer 'n serie sjtom sjlaeg oet te hole, en dat vèlt zeker neet mèt.

Functie-eise:

- Maog neet bang zeen um regelmaotig veur paol te sjtoon (kandidate moote zelf veur de paol zörrege).
- Maog neet bang zeen um regelmaotig op z'n geziech te goon (kandidate moote zelf veur 't geziech zörrege).
- Maog neet bang zeen um regelmaotig in de zeik gezat te weure (veur de zeik zörrege veer).
- Moot um zichzelf kinne lache.

Arbeidsveurwaarde:

- Beloening volges de cao veur dörpsgekke.
- Leveslang gratis abonnemint op de carnavalsgezèt.
- Eedere vastelaovend 'n rundsje van de redaksie.
- Pensioen nao 11 deensjaore, volges de speesjale regeling veur zijwoer beroepe.

Deenk geer dat geer gesjik zeet veur dees functie? Laot dan zoe gauw meugelik get weite. Sjrief of bel nao de redaksie van dees gezèt. Geer kint meteen aan de sjlaag, want 'n psychologies ononderzoek is veur dees functie neet nuudig (es geer uuch aanmeldt, dan weite veer al genoeg...).



Alpaca Mergelland

Geer hōb ze mesjien al zeen loupe achter in de wei bee Pierre Thomassen: 'n soort van oet de kluute gewasse sjäöp die nog 't mies lieke op 'n kruusing tusse un sjaop en unne kameel. Nuijsjierig es veer zeen, ginge veer veur uch op oonderzoek oet. Nao enig sjpeurwerk kaome veer oet bee Pierre en Celine. Die wilde os gère tekst en oetlegk geve.



"Um te beginne zeen 't alpaca's," zag Pierre, "en gein genetisch gemanipuleerde sjäöp of raar kruusinge. Veer waore op zeuk nao bieste die os 't graas bee koste houwe, en zeen zoe bee dees deere terech gekome. In ierste instantie houwe veer gedach aan 'n paar geite, mer veer houwe al genog gemakker aan uzze kop. Ouch hōbbe veer echte sjäöp euverwooge, mer dan mos iech miech vāöl te vāöl bukke (um ze te sjere, veurdad geer verkierde conclusies gaot trèkke...). Oeteindelik kaome veer terech bee dis alpaca's, zegk mèr 'n soort sjäöp op hoeg puuj. Dat is ideaal veur bee 't sjere. Want behalve dat zee 't graas good kort houwte, lievere ze ouch hiel fijne wol, die Celine gebruik um heerlike zōkke, sjaals en mutse te sjtrikke."

De alpaca is volges Pierre 'n hiel aardig bies en hèt bes get euvereinkomste met de minsj. "Zoe neume veer 'n mennekes (eine hings) unne macho. Alpaca's zeen auch erg zachtaardig en hiel neujsjierig, en doen hun behoeftes altied op ein bepaalde plek. Mer behalve dees kenmerke kint ouch 't leefdesleven van unne alpaca vāöl euvereinkomste met dat van de minsj, zoe leze veer op de site van Alpaca Mergelland:

Tijdens de dekking, die liggend gebeurt en tussen de 15 / 60 minuten duurt, maakt de hengst een bepaald geluid - "öröling" - en een dominante hengst wil altijd wel dekken. Om zekerheid te hebben of de dekking gelukt is, kunnen we de spuugtest doen. De merrie zal de hengst bespuugen als ze zwanger is en niet toelaten nog eens gedekt te worden. Drachtige merries kunnen iets kribbig zijn.

Veer weite zeker dat vāöl luij dit gedrag zulle herkinne....

Inmiddels lup d'r un gans elftal alpaca's roond in de weij achter 't hoes van Poerre en Celine. En noe veer 't toch hōbbe euver un elftal: aafgeloupe zomer haet Celine elf roej voetbaltruije gesjtrik veur de sjpelers van 't ierste van FC Bemelen. Op de foto is te zeen wie Pierre es ein van de nuije sjirtsponsors eine pasgesjtrikte truij euverhandig aan de veurzitter van de FC. Zoe kin de FC 't kouwe winterseizoen probleemloos in. Het kin waal zeen dat noe, oonder de invloed van de alpaca-wol, links en rechts unne kier gespeijt weurt op 't voetbalterrein. Meugelik haet dit te make met het feit dat de sjpelers neet gedèk wille weure... Mer 't kin ouch gewoon te make hōbbe mèt 't nuttige van te vāöl beer de aovend van te veure.



D'r zeen nog mieër sjponsorplanne veur vereniginge in Bemele. Zoe is Celine momenteel druk bezig met 't sjtrikke van ballewermers veur de Jeu de Boulesclub. Ze wilde auch de Joonkheid van Bemelen sjponsoren met 'n paar nuij truije. Of dat doorgeit is nog neet zeker, want volges woordveurder Timmy van Leeuwe van de Joonkheid brije die ziech liever zelf unne broene truij.

Tensjlotte hōbbe Pierre en Celine auch carnavalsvereniging de

Berggeitte benaderd mèt 't aanbod um veur nuij wolle mutsen te zörrege, mer die houwte de kop leever keul, Dao bleif 't dus zoe wie 't waar: vööl geblaas, wienig wol. Pikant detail daabee is dat Pierre Thomassen 44 jaor geleije de ierste preens van de Berggeitte waar. "Haw iech toen al geweite wat veur un gemekker geite oplievere, en wiewäöl plezeer datste van alpaca's höbs, dan waar 't waarsjijnlijk C.V. de Bergalpaca's gewore...", meint heer.

Op dit moment zeen Pierre en Celine bezig met 't ontwikkele van ein serie nuij producten van alpaca-wol. Veur de vrowluij keump d'r unne alpaca-bikini (veur unne 'Duitsje' look) en veur de hieere 'n alpaca-toupetsje (verkriegbaar in 22 natuurlike kleure en mèt echte krulle).

Veur mier informatie kint geer terech bee Alpaca Mergelland.



Celine hêt leid met pasgesjore Alpacca...





C.V. De Berggeitte



Carnavalsprogramma 2015



Zaoterdag 31 januari : Prinsenproclamatie

'T Bal begint um 20.11 oor en de nuije
Preens zal um 22.11 oor weure oetgeroope.

Zoondig 1 februari :Foto's ophange

De nuije Preens weurt opgehange (zien foto althans) bee de
café's in Bemelen vanaaf 16:30

Zoondig 8 februari: Keender-Zitting

Um 13.11 oor: Oploate van de Berggeit en ballonnen –
wedstrijd.

Met oetroope vaan de nuije Jeugdpreens? En/of Prinses ?

Zaoterdig 14 februari: Sjeleteleuverdrach

Um 19.00 oor: Sleutel-euverdrach van de parochie Bemelen
tijdens de H. Mis.Daona gunt de Groete en Kleine Prins mit
hun gevolg nae café "'t Plateau"

Zoondig 15 februari: Groet carnavalsbal

Groet Carnavalsbal in Café "'t Plateau"
Vanaaf un oor of 20.00 tot un oor of zoe

Maondig 16 februari: Oetruste (of toch neet?)

Rustdaag Groete raad van ellef...(...en geer geluif dat?)

Deensdig 17 februari: Groete Carnavalsoptoch

Opsjtelle : 12.11 oor op 't Gasthoes

Vertrek : 13.11 oor

's middags en 's aoves springe in de zaal

Insjrieve veur de optoch

Deenk geer d'r aan dat geer uch op tied mot insjrieve es geer mèt wil doen in d'n optoch?

Insjriefformuliere zeen te downloaden op

www.berggeitte.nl

Lever ze in op tied in want vol is vol !!

Asgoonsdig 18 Februari Hieringe-biete

De Preens en ziene raad nuudige uch oet um same met hun um 19.00 oor de mis te bezeuke um 't Asse-kruiske te haole.

Daonao: Hieringe Biete bee Cafe de Baskuul



Houpelik haet de jeugdit jaor get mier inspiratie...

NMA OONDERZEUK KRÛTTEKUTTERS

De NMA (De Nederlandse Mededingings Autoriteit, de club die d'r op lèt dat bedrieve en insjtèllinge neet aan onierlike concurrensie doen) geit in Bemele 'n oonderzoek insjtèlle nao de activiteite van ein geheimzinnige carnavalsclub die zich CV de Krüttekutters neump. Volges de NMA begint 't d'rop te lieke dat de succesvolle activiteite van dees club, woe weijer neet vâöl euver bekind is, langzamerhand zijwoere concurrensie beteikene veur de plaatselijke CV de Berggeitte. Tot noe tow kinde ze bee de NMA allein mèr CV de Krutjesrapers – zonder dat raar deenk op de 'u' - oet 't Brabantse Son en Breugel. 'Krutjes' zeen dao denne-apple, en wat dat mèt vastelaovend te make haet, wèt geine minsj. Mer good, veurluipig is d'r nog gein direct verband aangetoend tusse die Brabantse club en 't geheimzinnige gezelsjap oet Bemele. Volges de NMA is neet oetgesjloote dat 't Brabantse carnaval langs eine sjluupweeg bezig is de Limburgse vastelaovend binne te dringe, en dat dae sjluupweeg via Bemele löp. De NMA vindt dat 'n oongeweenste ontwikkeling, umdat de Limburgse vastelaovend zuuver moot blieve.

Inmiddels begint ziech 'n beeld aaf te teikene van wat CV de Krüttekutters is, en wat die club deit. Vermoedelijke vestigingsplaats van de vereniging is aan de Auw Aokersjtraot, úrreges in d'n achterum. 't Sjeint dat zich dao bee tied en wijle 'n zoephut bevindt, door de lede van de vereniging zelf umsjreve es 'eine mini-mini-geittesjtal' (anderhauve veerkante meter, ongevaer), woe 't Krütjesfees weurd gehouwte. Volges insiders haet dat fees inmiddels zelfs al drie edities achter de rögk, dus 't is allemaol waal meinens. CV de Krüttekutters reup eeder jaor eine eige prins oet – dit jaor sjeint dae nao de naam Rim te luustere – en de belangriekste activiteit tijdens de feeste is meters make. Meters beer, dan. De club achter 't Krütjesfees haet zelfs ein eige sjpel ontwikkeld (dao-euver kint geer op 'n ander plek in dees gezèt mieër leze) dat auch weer vanalles mèt beer te make sjeint te hubbe. De NMA wil neet zègke wie ze weijer goon mèt 't oonderzoek, mèr veer hóbbe oet betrouwbare bron vernome dat Deun en Marion binnekort aan 'n grondig kruusverhuur oonderworpe weure. De NMA zuut hun namelijk es medeplichtige. Mèr Deun haet os al laote weite: "Al sjódde ze os hielemaol vol mèt beer, veer verraoje niks!!"

't Krûtje spel.

Wat veer uch zekker neet wille onthouwe dizze carnaval is 't, bee de jeugd inmiddels bekinde en geleefde Krûtje-spel. Daorum hōbbe veer gemeind um in dit gezetje dit sjpel op te neume en oet te roope es officieel "Speelgoed van het carnavalsjaar" 2015.



Wilt geer unne gezellige aovend dan moot geer zeker 't krûtjessjpel ins probere. Es pionnen kint geer behalve pupkes ouch beerdöpkes gebruuke. Jaomer genog hōbbe veer heij neet genog plaats veur alle 63 sjpelregels op te numme en daorum beperke veer os tot é paar opvallende opdrachten:

3. Je mag alleen nog maar met links drinken
13. Het ongeluksgetal, maar niet voor jou! Drink drie adjes.

27. Drink met een volledig gestrekte arm een adje.

30. Dobbelen voor een rondje sterke drank.

50. Is de helft van 100, daarom drink een Mex.

61. Glazenbol of hagelevol: drink totdat jje worp goed voorspelt.



"t zal iech zeen opgevalle dat ongevèr in eeder regel ongevèr t woord dreinke veur kump.

Geer sjanap dan ouch waal dat dit sjpel veur

18+ bedoeld is. De winnar moch zich

oeteindelik "Krûtsje-keuning" neume, behalve

met carnaval want dan is heer "Krûtsje-Preens" Wienie ste noe

precie gewonne hōbs weite veer neet gans zeker: veer deenke

dat degene dè nao 't eind van 't sjpel nog "Krûtsje-keuning" kin


zegke zonder daobee te sjtottere of de buurman vol te speije

gewonne hèt. Veur alle sjpelregels kint geer terech bee Rick, dè

in geval van twifele beslis.

Veur jongere oonder de 18 kinne de Adjes en Mex ouch vervange weure door sjocomel en zeven-up, 't resultaat (kotsekrank) zal euveriges neet anders zeen.

Veer weense uch veul plezeer...



63

Kratje
Koning

Bee de Baskuul hoofste al neet mie de trap
aaf um nao de WC te goon met 't nuij
invalidetoilet, de volgende sjtap:
un toilet aon de bar... kinste blieve zitte...



Ze hadden grote plannen, maar...
niet alles liep volgens plan...
konden ze (op elkaar) bouwen?

Binnenkort in deze buurt:

De Vergunning



Starring:
Philip Hostage
Greg Flower
Mick vd Hooves
Remco Wallman
Peter GoodJhon
Dion Dallas
the Brewer brothers

Director

&

Producer

JOZEF HOUBEN

EST. **LET IT EDIT** 2013

Michael Rieple
"PROMOFILMS"

Nominated for
"the Golden Goat"
2015



Film "De Vergunning" ★★★★★

Naodat d'r al ierder sjoen documentaires versjene zeen mèt Bemele in de hoofdrol, is noe de iersjte sjpeelfilm versjene van Bemelse Bojem. Dees productie, die aafgeloupe zomer in première is gegange, haet Bemele op de kaart gezat es filmhoofdsjtad van 't zuide, 't Hollywood van Limburg.

't Geit netuurlik um 't langverwachte drama "De Vergunning" van filmmaker Joseph Houben, afkomstig oet Bemelen, dè met 'n volledig Bemelse cast ein indrukwekkend sjtukske dramatiek hèt vasgelag. De productie, boe kosten en meuijte bee gesjpaard zeen, leverde unne sjoene inkiek op in de meujzame weeg dè un jong koppel (geweldig neergezat door hoofdrolspelers Gregor en Remco) mos bewandele um hunne druim te laote oetkome: un woening aan de Keersjewei...

Gefilmd in 'n prachtig sober decor (de kelder van 't gemeinsjapshoes) boe de zin van 't leve en 't geluif in de gemeinsjap (de gemeente) in 'n paar prachtige korte dialogen weurt samengevat ("Dao vaeg iech miech de vot aan aaf...") Behalve 't prachtige sjpel en de veulbare chemie tusse de hoofdrolspelers weure ouch burgemeister en wèthouwers vakkundig en doeltreffend neergezat. Mer ouch de beerolle weure good oetgedeept en geeve 'n sjoen beeld van "de gewoene bouwvakker met twie leenker han".

De regisseur is daabee neet bang um (verbaal) geweld en expliciete beelden in te zètte um zien doel te bereike. De film is dan ouch terech (en es innigste) genomineerd veur de Gouwe Geit, de Bemelse tegehanger van 't Gouwe Kouf.

Veer zeen noe al benuijd nao 't vervolg op deze film. De opnames veur deil 2 (De Bouw) zeen noe al bezig, en d'r zeen ouch al planne veur un deil 3 (De Oplievering).

"De Vergunning" dreijt nog op YouTube en is mesjiens binnekort auch te kriege op DVD.



Stichting Promotie Bemelen hèt inmiddels nao aanleiding van 't succes van "De Vergunning" bee de gemeente Eijsden-Margraten vergunning aangevraog um in naovolging van filmmekka Hollywood op de Bemelerberg de naam BEMELEN in groete letters neer te zètte. Dat um Bemele nog mieër op de kaart te zètte. Un impressie van wie dat d'r oet keump te zeen, is hei bee aafgebeeld.





Frans en Carin Heuts
Kunstzinnig-zakelijk

Bachant 11
4811-242 12 10
Adres
Bachant 11
4811-242 12 10



Sjef Frijnts
en Zn

T. 043 - 458 1317

www.boomkwekerijfrijnts.nl

Richard Walstock
Installaties

VERWARMING EN SANITAIR

JULIANA STRAAT 1
6267 CJ CADIER EN KEER

TEL. 043 - 325 88 30
GSM 06 - 2041 29 92

DE MEEST COMPLETE DIERENSPECIAALZAAK !



hulp, fun, dierspecie en benodigdheden
werk, verloskunde en welzijnsoptimalisatie

Rijksweg 40
Mosterweg 1
6325 BZ Bergen Terbijl
Tel. 043-604 17 43
Fax 043-604 20 69

Speciality
Gelegenhedskleding
op maat

Passage 2
Valkenburg aan de Goude
tel. 06 29 20 1414

www.specialitywear.nl



Lambert Thomassen
Metaal draaierij

Draai- en freeswerk
Revisie van machineonderdelen

LWM Thomassen

De Steeg 6
6268 NK Bemelen
Telefoon: +31(0)43-4072060
Fax: +31(0)43-4072660
Email: lwmthomassen@home.nl

KvK Nr.: 14629622
BTW Nr.: NL88147502B01



H. & R. Andriën
Landschapsonderhoud, Loonwerk

De kopere kromme



De groete carnavalsorde van de Kopere Kromme, de ondersjeiing veur groete verdeenste veur de gemeinsjap Bemele en umsjtreke, weurt dit jaor towgekint aan:

- Hermenie Sint Laureens, die al hoonderd jaor haet gezörreg dat Bemele 'n dörrep is woe muziek in zit...

- Carnavalsvereniging de Berggeitte, die al 44 jaor haet gezörreg dat Bemele 'n dörrep is woe auch nog ins gèt te lache vèlt...

- Alle jubilarisse van Sint Laureens en de Berggeitte, die d'r - d'n eine gèt langer es d'n andere, mèr toch... - 't hunne aan bee hōbbe gedrage dat die twee vereniginge 't zoe lang hōbbe oetgehewe...

- De Zoepnaze, die al die jaore eine onmisbare sjeunpilaar van de Bemeler vastelaovend zeen gewaes, en noe 't sjtèkske hōbbe euvergedrage aan 't Bemels Keteerke die 't minstens zoe good wille goon doen...

- Hans Janssen, dae haet laote zeen wieste es nuujkomer in 't dörrep zoe gauw meugelik ingebörgerd raaks... Door meteen bee de vogelwerkgroep te goon, lid te weure van de voetbalclub, euveral op te duuke es d'r gèt te doen is... 'n Veurbeeld dat naovolging verdeent...

- Rosette Schlösser-Vollers, umdat 't veurig jaor ein keuninklike medaajer haet gekrege vanwege zien verdeenste veur de kèrrek en 't Antoniuskoer. En dan kinne veer netuurlijk neet achterblieve...

- Eederein dae weijjer nog ein ondersjeiing verdeend haet...



PASSIE FLORA HOVENIERSBEDRIJF
Rijksweg 37 · 6325AA Berg en Terblijt

E-Mail: passieflora@zonnet.nl
Tel: 06 - 53 33 94 42

**.concept . uitvoering .
.onderhoud.**

Wij nodigen U uit voor een lekker hapje en drankje
Zonnig terras in prachtig wandel en fietsgebied



Engwegen2a
6305 PM Schin op Geul
043-4591389



Ogiër

Interieurbouw

Tromputte 16
6269 BC Margraten
06 22 785 892

HEIJNENS INSTALLATIES

R Heijns Installaties v.o.f.
Maasweg 17
6325 BE Berg en Terblijt
tel: 043 - 60 81377
fax: 043 - 60 80 379
06 - 520 953 34 Pedro
06 - 506 331 38 Pascal
info@heijns.nl
www.heijns.nl



Grondwerkzaamheden.
't Rooth 8, 6269 NV Margraten
0434072993 0653940355
e-mail: nnijskens@home.nl

KLINKERS

GROOTHANDEL IN ZOETWAREN

Uitgebreid assortiment aan carnavalsmelange
Bezoek vrijblijvend onze showroom en website!

Gratis bezorgservice

Zoetwaren - IJs - Dranken - Koffie/Thee
Carnavalsmelange - Disposables

T: 045 - 624 1723 www.klinkerszoetwaren.nl contact@klinkerszoetwaren.nl

**Dank aan alle
sponsors**



New York



Londen



Mestreech



Bemelen

EXIT ZOEPNAZE, LEVE 'T BEMELS KETEERKE

Auch in 'n carnavalsgezèt moot ruimte zeen veur 'n serieus sjtökske... Wie zègke ze dat auch weer es urreges de keuning doeëd geit? "De keuning is doeëd, leve de keuning!"

Zoe geit 't noe auch 'n bitsje mèt de vastelaovend in Bemele. Allein zègke veer heij: "De Zoepnaze zeen neet mieër, leve 't Bemels Keteerke!" De Zoepnaze, die zoe lang 't muzikale fundameent oonder ooze vastelaovend zeen gewaes, die zoe lang de sfeer van ooze vastelaovend höbbbe bepaald en auch zoevööl eleminte aan de Bemeler vastelaovend höbbbe beegedrage – deenk mèr ins aan al die fantastiese hermeniekeskonkoerse, aan de organisatie van 't Limburgs Kampioensjap veur Zate Hermeniekkes, aan vööl te vööl um op te neume... - die Zoepnaze besjtoon neet mie. De ouw garde haet zich trögkgetrokke, haet 't sjtökske – en nog vööl mieër – euvergedrage aan de nuij generasie. Veer zulle ze goon misse, al blieve ze netuurlik op hun eige meneer waal aan de vastelaovend mètdoen. Zoepnaze: bedank!!! En noe is d'r dan 't Bemels Keteerke. Ein club jong gaste die de carnavalsmeziek mèt de papelepel ingegeve haet gekrege. Dat kin dus neet verkierd goon, dat moot waal inne waardige opvolger van de Zoepnaze zeen. Jonges: zörreg dat geer net zoe

onmisbaar weurt in de Bemeler vastelaovend, en laot dat Bemels Keteerke binnen de kortste kiere oetgreuje tot 'n Bemels Hauf Oor, en daonao tot 'n aovendvullend programma... Bemels Keteerke: welkom!!



Ouch un groete beurt veur uch kruus?

Regelmatig treffe veer in en roondum Bemelen 'n sjlech onderhouwe kruus aan. Sjeif gezak, vol met sjpinnewebben, sjtof en oetbundig en sjlech gesjnoeide begreuing rondum.

't Resultaat van onvoldoende aandacht en zurg. Nao sommige kruuzen is bliekbaaral jaore neet mie umgekeke. Zonde, zoe veende ouch de mannen van de Sjoffelploog, de Vogelwerrekgroep en de Heemkunde stichting..

Daaorum zeen zee aafgeloupe jaor begos um al die in de sjteek gelaote kruuze uns un gooj beurt te geve.

Met vereinde krachten weurt zoe 'n kruus grondig aongepak.

Daobee is gein kruus te oud of te zjwoer, die van de Heemkunde hōbbe zellefs leever un bitsje un oud kruus.

Naodat ze 't iers good rechtop gezat hōbbe en weer't fier euvereind sjteit weurt alle voel verwijderd. Dao, boe nuudig, weurt 't ns good gesjoord en in de miest ernstige gevallen zelfs gezandsjtraald. Daonao kreig 't un likske verf zoedat 't weer sjoen glimp. 't Gewas roondum weurt netjes getrimd en kort gehouwe.

Zoe'n kruus bleuijt gans op en zuut d'r daonao weer oet wie nuj es de manne 't oonder han hōbbe gehad. Ouch danao zal 't kruus regelmatig beegehewe weure. Zoe 'n sjoen kruus vreug d'r dan ouch veur um verseerd te weure, get wat eine kier per jaor ouch gebeurt.

't Ierste kruus dat ein beurt hèt gekrege ligk in de Sjteig. Weit geer ouch nog 'n kruus dat nuudig un groete beurt kin gebruuke geef dat dan door aan de manne van de sjoffelploog, de Heemkunde of de Vogelwerkgroep of sjtuur unne mail nao "degrotebeurt@bemelen.nl". Ze doen 't gère veur uch.



C.V. de Berggeitsjes




Eederein dè un bitsje kin tellen zal 't zeeker zeen opgevalle op de umslaag,

In plaats van un jeugdraod van ellef sjtoon d'r af en tou mer zeven geitsjes op 't podium. Dat leet de redactie van dis gezet meteen aan 'n ander beukske oet hun jeugd dinke: De Wolf en de zeven geitsjes. Neet dat Lonneke op de foto unne boze wolf is want tusse al die klein geitsjes is 't mier un lang geit.

De bergeitsjes zeen dan ouch op zeuk, neet nao unne boze grote wolf mer waal nao nog mier klein geitsjes die same carnaval wille viere.

Zoe kinne veer volgend jaor weer es de 11 geitsjes optreije en viere veer nog lang en gelukkig carnaval...



Hallo Bemelen,



Ik wilde jullie nog bedanken voor zo'n mooie carnaval.

Ik zal die tijd dan ook nooit vergeten, wat ik allemaal heb meegemaakt!

Vooraf toen ik werd uitgeroepen en de optocht, dat was het leukste.

Ook fijn dat iedereen heeft mee geholpen.

En iedereen die samen met mij carnaval heeft gevierd wil ik bedanken.

Ook prins Cyril de I en zijn prinses Jeanny natuurlijk.

Allemaal bedankt voor de mooie tijd!!

Groetjes prinses Lonneke,

Bemelen alaaf! Carnaval alaaf!

Bergseitjes alaaf!



Nao nuij sipelerstenue noe ouch nuije outfit veur
kantinepersoneel FC Bemelen




NUIJ-JAORSDUUKE...

't Kos netuurlik neet oetblieve...

Sinds ooit eine haet oetgevoonde dat 't mesjiens waal leuk zow zeen um nuij-jaor te viere door in ieskoud water te duuke (wat is d'r verkierd aan wèrrem water, of desnoeds aan koud beer?) zuuste euvral in de waereld massa's luij de zieë of de Maas insjpringe veur de nuij-jaorsduuk. Noe haet Bemele gein zieë, en auch gein Maas. En um noe mèt z'n alle in de gut te goon ligke...

Mèr Bemele zou Bemele neet zeen es ze dao neet get op gevoonde zouwe hōbbe... En umdat de versjlaaggevers van dees gezèt altied en euvral d'rbee zeen es get gebäört in 't dōrrep, kinne veer uuch es innigste de exclusieve beelde laote zeen van de Ierste Bemeler Nuij-Jaorsduuk. Kiek en huuver... Um hinnevel van te kriege, toch?



NIEMANDSLAND

Veer hōbbe lang gezeuk nao 'n woord in Bemels plat veur 'niemandsland', mēr veer hōbbe neet get éch goods kinne veende. Dat zit zoe... Veer kraoge van eine van os abonnees de vraog wie dat noe zaot, dao bove op de berreg, tusse 't Gastes en 't Wolfshoes ('t Sjwoufses). Dat wiste veer auch neet zoe ein-twie-drei, mēr veer zeen ins ter plaatse goon kieke, en dao troffe veer dees situasie aan. Die borde... Borde met 'Gastes'. Borde met 'Wolfshuis'. Dat liek allemaol hiel duudelik, mēr woe sjeijt 't eint oet en woe begint 't ander? En woerum ligk tössje die twie ein gaat? Van wae is dae sjtriep groond? Woe huurt dat bee? En wie hêt dat dao? Veer hōbbe die zaak oetgebreid oonderzoek – zoe wie geer dat van os gewind zeet – mēr veer hōbbe 't antwoord neet kinne veende. Tössje die borde ligk 'n witte vlek op de kaart, 'n sjtukske niemandsland. En veur dat lètste hōbbe veer nog gein woord in 't Bemels plat kinne veende... Veurluipig hōbbe veer 't dao dus mer 'Tössje de Borde' geneump. Veer hōbbe bee de gemeente al 'n aanvraag ingedeend um dao de passende borde langs de sjtraot te plaatse...



Nuij gehuch ontdek op 't plateau...

ZOEPLÈP(KES)

Dat Bemele 'n dörp van vereniginge is, dat wiste veer netuurlik al lang. Veur eeder doelgroep is d'r waal 'n vereniging te veende. Veur de ouw luij (de ouwere jongerevereniging) en veur de jong luij (de jongere ouwereclub), veur de voetballers (de sjoffelploog) en veur de handballers (de jeu de boulesclub), veur de sjportievelinge (de BBB-runners) en veur de krökke (de bar van caffè de Baskuul), veur de deere-leefhöbbers (Vrij en Blij) en veur de minsje-leefhöbbers (de Vogelaers), veur de muzikante ('t Bemels keteerke) en veur de toeteraers (de hermenie), veur de sjoffelaers (de FC Bemele) en veur die van vreuger (de heemkundeckub), veur die van noe (de carnavalsvereniging) en veur eederein dae neet al veur 't zinge de kerk oet geit (de zangkoere)...

Dat liek allemaal hiel gèt, mèr toch... D'r bleef altied eine groete groep euver dae ziech bee dees vereniginge neet éch hoes veulde. Eine groep dae zich bezig hilt met ein groete passie: zoepe... Zeker, bee de besjtaonde clubs weurt auch waal ins ein peelske gedroonke, mèr eigelik is dat nauwelijks serieus te neume. D'r is 'n groet versjil tössje dreinke umdatste doorsj höbs en serieus zoepe oet passie, oet pure leefhöbberij.

Mèr d'r is noe eindelijk 'n oplossing veur deze vergete groep. Oonder de naam 'Zoeplèp van 't Zuide' is door Tommie van Leeuwe (gein familie van de brouwerij, mèr waal gooje klant...) eine groeps-app aangemaak dae deens deit es 'n soort virtuele ontmoetingsplek veur jongere oet Bemele die ziech waal ins wille treffe veur 'n glaas beer, soms auch veur twie. D'r zeen inmiddels al 38 lede bee aangesjlote, woemèt 't meteen ein van de groetste vereniginge van Bemele is gewoore.

Wie dat wèrrek mèt dae'n app?

Wae zich eine wilt goon dreinke, kin eve kieke of d'r urreges get gedroonke weurt, en wae urreges is woe gèt gedroonke weurt, kin dat even laote weite aan andere die eventueel auch waal get zouwe wille dreinke. Zoe geit dat, ongevaer

Veur de rès is 't, aan de foto's op dae'n app te zeen, nogal ein wazig clubke...





De zoeplep van 't Zuide (un paar exemplaren althans

Oetsjlaag Keender-ballonnenwedstrijd 2014

3^e prijs voor "De Berggeit" Prins Pascal II en Prinses Demi

2^e prijs voor Rim Andriën (100.7 km Pulheim)

1^{ste} prijs voor Rafke Heijthuijzen (106.6 km Köln)

*...toch hōbbe veer 't idee
dat Rim zien eige
ballonnen hēt gebruik..*

*...kreig heer in eeder
geval zellef veurluipig
gein keender....*

